

CENTRALNA BANKA BOSNE I HERCEGOVINE

Na osnovu članova 2. stav 3. tačka h, 7. tačka e, 39. i 42. Zakona o Centralnoj banci Bosne i Hercegovine («Službeni glasnik BiH», 1/97, 29/02, 13/03, 14/03, 09/05, 76/06 i 32/07), člana 52. Pravilnika Centralne banke Bosne i Hercegovine, UV broj: 120/05 od 29. juna 2005. godine, 100-UV broj: 66/10 od 29. aprila 2010. godine, 100-UV broj: 130/11 od 30. marta 2011. godine, 100-UV broj: 18/12 od 31. januara 2012. godine, 100-UV broj: 10/13 od 31. januara 2013. godine i 100-UV broj: 73/13 od 28. juna 2013. godine, u skladu s Politikom izrade novčanica i kovanog novca konvertibilne marke, 100-UV broj: 107/12 od 1. novembra 2012. godine, Upravno vijeće Centralne banke Bosne i Hercegovine na 12. sjednici od 31. oktobra 2013. godine, donosi

ODLUKU

o puštanju u opticaj kovanog novca apoeni 20, 10 i 5 feninga

Član 1.

Centralna banka Bosne i Hercegovine izvršila je kovanje kovanog novca u apoenima od 20, 10 i 5 feninga (u daljem tekstu: F), u skladu s Odlukom Centralne banke Bosne i Hercegovine, 100-UV broj: 72/13 od 28. juna 2013. godine.

Član 2.

Kovani novac iz člana 1. ove odluke ima u svemu osnovna obilježja i tehničke karakteristike, kako slijedi:

- a) kovani novac apoeni 20 i 10 F, u skladu s Odlukom o izdavanju, osnovnim obilježjima i puštanju u opticaj kovanog novca od 10, 20 i 50 feninga («Službeni glasnik BiH», 24/98 i 25/98),
- b) kovani novac apoeni 5 F, u skladu s Odlukom o izdavanju, osnovnim obilježjima i puštanju u opticaj kovanog novca u apoenima od 5 konvertibilnih maraka i 5 feninga, («Službeni glasnik BiH», 92/05).

Član 3.

Kovani novac iz prethodnog člana ove odluke kovan je s godinom izdanja «2013».

Član 4.

Po Zakonu o Centralnoj banci Bosne i Hercegovine, sve javne i privatne institucije i ustanove, pravna i fizička lica obavezna su prihvatiti kovani novac iz ove odluke u njihovoj nominalnoj vrijednosti kao zakonsko sredstvo plaćanja, kada im se ponude u gotovinskim transakcijama, odnosno u poravnanju i plaćanju bilo kojih obaveza prema njima, na cijeloj teritoriji Bosne i Hercegovine.

Član 5.

Danom stupanja na snagu ove odluke Centralna banka Bosne i Hercegovine će, preko Centralnog ureda, glavnih jedinica i filijala, kovani novac iz člana 1. ove odluke puštati u opticaj sukcesivno, u skladu s planom izdavanja kovanog novca u opticaju.

Član 6.

Ova odluka stupa na snagu danom objavljivanja u «Službenom glasniku BiH», a objaviće se i u «Službenim novinama Federacije BiH», «Službenom glasniku Republike Srpske» i «Službenom glasniku Brčko distrikta BiH».

100-UV broj: 90/13
31. oktobar 2013. godine
Sarajevo

Predsjedavajući
Upravnog vijeća Centralne banke
Bosne i Hercegovine
GUVERNER
dr Kemal Kozarić